

समा. 09.20 Hrs

- उप-राज्यपाल मनोज सिन्हा होरें विशेष क्षमतायें आहले दिव्यांग लोकें लेई व्यापक पुर्नबहाली ते इक-समान मौके देने दी जरूरत उप्पर बल पाया। उनें गलाया जे समावेशी विकास राष्ट्र दे विकास दी कुंजी ऐ।
- मुखमन्त्री उमर अब्दुल्ला होरें जम्मू-कश्मीर च निवेश-आर्कषत करने ते विनिमार्ण क्षेत्र गी होर निगगर बनाने उप्पर जोर पाया।
- भारत नै संयुक्त राष्ट्र च पाकिस्तान गी आतंक दा गढ़ दस्सेया ते जम्मू-कश्मीर गी भारत दा अंदरूनी हिस्सा गलाया।
- राई-बाई मंत्री Javid Ahmad Dar होरें आधुनिक राई-बाई ते कल्याणकारी स्कीमें गी बढ़ावा देने दे मददेनजर खान बल च किसान मेले दा उदघाटन कीता।
- जम्मू दे डिविजनल कमीशनर होरें राष्ट्रीय जरनैली सिड़कें उप्पर सुचारु यातायात गी यकीनी बनाने ते त्योहारें दे चलदे जम्मू शैहर च भीड़ घट्ट करने दे असरदार उपा अपनाने उप्पर बल दिता ऐ।

< > < > < > < > < > < >

उपराज्यपाल मनोज सिन्हा होरें गलाया ऐ जे समावेशन खुशहाली दी कूजी ऐ। जम्मू-कश्मीर समाज कल्याण केन्द्र आसेया सुनने च कासर बोले बच्चे लेई चलाए जा रदे स्कूल दे 45में स्थापना दिवस दे समारोह दौरान बोलदे होई उपराज्यपाल होरें गलाया जे सरकार इस गल्ला गी यकीनी बना रदी ऐ जे समाज दा हर वर्ग जिन्दे च विशेष-क्षमतायें आहले दिव्यांग लोक बी शामिल न। जम्मू-कश्मीर दे विकास बता च अपना सहयोग देई सकन। उनें गलाया जे देश दे अंदर ते बाहर किश नापाक लोक मुल्खै दे विकास च अड़चना पा रदे न पर ऐसी कोई ताकत नैई जेड़ी साहड़े देश दे विकास गी रोकी सकै।

<><><><><><>

उपराज्यपाल मनोज सिन्हा होरें कल राजभवन च श्री माता वैष्णो देवी युनिवर्सिटी दी कार्यकारी परिषद दी 36मीं बैठक दी अध्यक्षता कीती। परिषद नै शैक्षणिक ते प्रशासनिक मामले उप्पर चर्चा कीती ते केई प्रस्तावें गी मंजूरी बी दिती। उपराज्यपाल होरें युनिवर्सिटी गी अपने पाठ्यक्रम गी राष्ट्रीय शिक्षा नीति -2020 दे स्हाबै बनाने ते शोध, नवाचार, कौशल-विकास ते उद्योगिक सहयोग उप्पर ध्यान केन्द्रत करने दे निर्देश दिते। उनें युनिवर्सिटी दे रिकार्ड दे डिजिटलीकरण ते हिंदी, डोगरी, फ्रेन्च ते जर्मन भाशाएं लेई शिक्षक लाने दी जरूरत उप्पर बी बल पाया।

<><><><><><>

मुख्यमंत्री उमर अब्दुल्ला होंरें बुनियादी ढांचे च सुधार ते निवेश आकर्षित करने दी सरकार दी वचनबद्धता गी इक बारी परतियै पक्का कीता ऐ। श्रीनगर च भारतीय निर्यात संगठन दे महासंघ कन्ने गल्लबात दे इक सत्र दौरान बोलदे होई उनें गलाया जे बुनियादी ढांचे दी कमियें गी दूर करने ते विनिमार्ग ते निर्यात गी बढ़ावा देने दे जत्न लगातार जारी न। मुख्यमंत्री होंरें राई-बाई, बागवानी, हत्थखडी ते IT क्षेत्र च जम्मू-कश्मीर दी क्षमतायें दा लाह चुकने उप्पर जोर पाया। उनें इस बरे 10 जां ओहदे शा मते अंके च जी.डी.पी. बाददे दी मेद बुझी ते उद्योग जगत दे लीडरें गी जम्मू-कश्मीर गी बन्ज बपार दे स्हाबै इक जोखम थाहर दे तौरा उप्पर दिखने दी धारणा गी बदलने च मदाद करने दा आग्रह कीता।

<><><><><><>

JK Pujab Film

जम्मू-कश्मीर इक उभरदे होई फिल्म निर्माण दे थाहर दे तौरा उप्पर विकसित होआ रदा ऐ। एहदे मददेनजर पंजाबी फिल्म -रावी दे कंडे दी शूटिंग बसोहली ते कटरा दी शैल-सनाहकड़ी थाहरें पर कीती गई ऐ। इस फिल्म दी टीम नै कल उप-राज्यपाल मनोज सिन्हा हुंदे कन्ने मलाटी करी क्षेत्र च शूटिंग दे अपने अनुभव गी सांझा कीता। जम्मू -कश्मीर दी कुदरती शलैपे ते सगोसार संस्कृति गी दर्शाने दे उंदे यत्नें दी सराहना कीती ते फिल्म दे सफल होने दी बी शुभकामनां कीती। उनें गलाया जे इस चाली दियें परियोजनां राएं फिल्म-निर्माण ते पर्यटन लेई केन्द्र शासित जम्मू-कश्मीर इक पसंदीदा थाहर दे रुप च विकसित होई सकौग।



India Pak

भारत नै पाकिस्तान गी आतंकवाद, हिंसा, कट्टरवाद ते अतवाद दा स्रोत दस्सेया ऐ। न्यूयार्क च संयुक्त राष्ट्र महासभा दी वी- उपनिवेशीकरण समीति गी सम्बोधित करदे होई भारत दे संसदीय प्रतिनिधि Revolutionary Socialist Party दे सांसद N.K. प्रेम चन्द्रन होरें मंग कीती जे पाकिस्तान आसेया गैर-कनूनी तौर पर कब्जाए गेदे कश्मीर दे हिस्से च उसी मनुक्खी अधिकारें दी लोआघंटना बंद करनी लोड़चदी। पाकिस्तान दे नजैज कब्जे आहले कश्मीर च जनता दमन, क्रूरता ते संसाधनें दे अवैध इस्तेमाल खिलाफ खुल्ले तौरा पर विद्रोह करा रदी ऐ। पहलगाम आतंकी हमले दा जिक्र करदे होई- उनें आखेया जे पाकिस्तान संयुक्त राष्ट्र सुरक्षा परिषद दे प्रस्ताव 47 दी खिलाफवर्जी करा रदा ऐ। प्रेम चंद्रन होरें आखेया जे पाकिस्तान पूरी दुनिया च आतंकवाद गी सरकारी नीति दे तौर पर इस्तेमाल करने लेई बदनाम ऐ। उनें आखेया जे जम्मू-कश्मीर भारत दा अनव्रुट हिस्सा ऐहा, ऐ ते म्हेशा रहौंग।



Dar Kisan Mela

राई-बाई दी पैदवार सरबंधी मंत्री जावेद अहमद डार होरें अनंतनाग दी खानबल थाहर किसान मेले ते प्रदर्शनी दा उदघाटन कीता। इसदा मकसद करसानें गी आधुनिक तकनीकें ते उंदी भलाई-बेहतरी लेई चलाई जा रदी स्कीमें बारे अवगत करोआना हा। इस दौरान मंत्री होरें सरकार दे जतनें, राई-बाई लेई इस्तेमाल होने आहले उपकरणें पर 50 फीसद रियायत, राई-बाई राएं

आमदन गी दूना करने ते टिकाऊ आजीविका जनेई चीजें गी उजागर कीता। जागरूकता पैदा करने च इय्यै नेह मेले दी उनें सराहना कीती। बक्ख-बक्ख मैहकमें आसेया उत्थे स्टॉल कायम कीते गेदे हे। केई सारे विधायकें, अफसरें ते खरी मती गिनतरी च करसानें इसदे च शिरकत कीती। इस मौके पर मीडिया कर्मियें कन्नै गल्ल करदे होई मंत्री होरें आखेया।

<><><><><><>

CS Waterbodies

मुख्य सचिव अटल डुल्लु होरें जंगलात मैहकमे गी हिदायत कीती ऐ जे ओह पानी दे सारे स्रोतें दी Gio-Tagging करना यकीनी करन। तां जे उन्दा रक्ख-रखाव, उंदा संरक्षण ते साईसी ढंगे सिर उन्दा प्रबंधन यकीनी बनी सकै। जल शक्ति अभियान Catch the Rain दा इक उच्च स्तह दी बैठक दौरान उनें जायजा लैता। एह कम्म उनें स्यालें थवां पैहले-पैहले पूरा करने दी जरूरता पर जोर पाया। अभियान दा मुख्य करी ध्यान पानी दे संरक्षण, बरखा दे पानी गी बचाने ते जंगलें दी कटाई गी रोकना ऐ। अधिकारियें इस दौरान जानकारी दिती जे सारे 20एं जिलें दी पानी दे संरक्षण सरबन्धी योजना गी JSA पोर्टल पर अपलोड करी दिता गया ऐ। बैठक दौरान डोडा, गांदरबल, जम्मू, बांडीपोरा ते रामबन जिले दी प्रगति दा जायजा लैता गया।

<><><><><><>

Ramban Education

रामबन जिले दा शिक्षा मैहकमा वोकेशनल एजुकेशन ते ट्रेनिंग गी सक्रियता कन्नै बढ़ावा देया रदी ऐ तां जे विद्यार्थियें गी बक्ख-बक्ख कारोबारी इदारें ते होर दुइयें जरूरतें स्हाबै सिखलाई

थहोई सकै। विद्यार्थियें गी निर्माण, आई.टी. सेहत सरबंधी दिक्खभाल, खातर-तवज्जो, दस्तकारी ते होर दूए हुनरे दी सिखलाई दिती जा रदी ऐ। इस सिखलाई दा मकसद विद्यार्थियें गी हुनरमंद बनाना, आजीविका, कमाने लेई तयार करने ते रिवायती शिक्षा दे इलावा अज्जै-कल्लै दियें जरूरत स्हाबै हुनरमंद बनाना ऐ। इस जत्न कन्नै शिक्षा ते उद्योग सरबंधी जरूरतें ते युवाएं गी सशक्त बनाने च मदद थहोग। इस बारे बोलदे होई DIET रामबन दे अधिकारी शहनवाज Gani होरें आखेया

<><><><><><>

Div.Com Traffic

जम्मू दे डिविजनल कमीशनर रमेश कुमार होरें कम्म तोड़ चाढ़ा रदियें एजेंसियें गी राष्ट्रीय जरनैली सिड़के उप्पर यातायात गी व्यवस्थित करने ते चला रदे त्योहारें दौरान जम्मू शैहर दी सिड़कें उप्पर भीड़ घट्ट करने लेई फौरी तौरा उप्पर असरदार गैह पुट्टने दे निर्देश जारी किते। डिव.कॉम होरें यातायात अधिकारियें ते NHAI दे अधिकारियें कन्नै लग्गी दी इक मीटिंग दी प्रधानता करदे होई गड़्डियें दी सुचारु आओ-जाई गी यकीनी बनाने दे निर्देश दिते। उनें फलें कन्नै लदोए दे ट्रकें ते खानाबदोशें दी सखल्ली आओ-जाई गी यकीनी बनाने दी जरूरत उप्पर बी बल दिता। डिव.कॉम होरें गैर-कनूनी तरीके कन्नै जमीन उप्पर कब्जा करने आहले ते गलत ढंगा कन्नै गड़्डियें दी पार्किंग करने आहले खिलाफ सख्त गैं पुट्टने लेई गलाया।

<><><><><><>